

# Reirei 5: Mwakuri n ibuobuoki

*Ko kona n reirei te reirei aei ni kabwaninna ke inanon mwakorokoro aika uarereke. Kangaraoa te reirei nakon angaraoin am tabo ao kainanoana, aia ririki, ao mataataia am kooram ke beretitenti n te kiraati.*

## IESU KRISTO E REIREIIRA BWA TI NA KANGA NI KARAOA TE MWAKURI N IBUOBUOKI

Ni buokiia kaain te kooram ke beretitenti n te kiraati n taraia bwa Iesu Kristo ngkai aia katooto n te mwakuri n ibuobuoki, ko kona ni kaoiia n taetae iaon Ana reirei ao katotongan te mwakuri (taraa [Ruka 10:25–37](#); [3 Nibwaai 17:5–10](#)). Kabwarabwara bwa te mwakuri n ibuobuoki bon tabeakinan temanna n aron are e na karaoia te Tia Kamaiu. Ningai ae e a tia ni karaoia temanna aei ibukim, ao e kanga aron namakinana iroum? E kanga ana katooto Kristo ni kamwaku-raki n ara kona ni mwakuri n ibuobuoki nakon ara kooram ke kaain ara kiraati? Nakoia tabeman?

## TI KONA NI KARAOI MWAKURI N IBUOBUOKI NAKOIA NAAKE IRARIKIRA

Ni buokiia kaain te beretitenti ibukin karekean te kairi mai ieta iaona bwa a na kanga aron buokakiia kaain aia kooram ke kiraati, kaoiia bwa a na maroroakina taekan temanna ni bon arana (te tia koroboki e kona ni karekea mwin araia kaain te kiraati man Bwaai ni Mwakuri ibukiia Membwa app ke te kiraaka n te uote). Titiraki aika inano a kona n ibuobuoki:

- Tera ae ti ataia ibukiia?
- Tera korakoraia ae onoti ao aia kangaanga?
- Tera ae ti kona ni karaoia are e na kona ni buokiia (katooto, n te mwakuri ao waaki ni kakukurei ao n taai ni bootaki n te Tabati)?

Tuangiia kaain te beretitenti bwa a na iangoia naba bwa a na kanga ni kaungaiia kaain te kooram ao kiraati ni kabonganai korakoraia ao aia taarena ni ibuobuoki nakoia tabeman, inanon ao itinanikun aia kooram ke kiraati.

Kaoa te beretitenti n te kooram ke te kiraati ni mwakuri iaona bwa tera aia namakin ae a kairaki bwa a na karaoia. A na kona n tangiria n rinanon ao ni katamaroai babaire ake a karaoaki inanon aia bowi ae a tibwa karaoia ni beretitenti ni ikotaki ma aia babaire ae boou. Taaraia raoi bwa a na mataata bwa rongorongoa aika a onoti ake a na tibwaki nakoia ibukiia aomata akanne n tatabemania a na riai ni kawakinaki n ae raba.

## REITAN BWAAI N MWAKURI

- *Aeniboki ni Kabuta: Beku n Ana Ekaretia Iesu Kristo Ibukiia aika Itiaki ni Boong aika Kaitira*, [mwakoro 21](#), [ChurchofJesusChrist.org](#)
- [2 I-Korinto 6:4–7](#); [Motiaea 18:8–9](#); [Reirei ao Berita aika Tabu 84:106](#)
- “[We Are Strong Together](#)” witeo